

**CONVENIO DE COLABORACIÓN ENTRE A DEPUTACIÓN DE PONTEVEDRA,
O CONCELLO DE VIGO E O CONCELLO DE PONTEVEDRA PARA O
DESENVOLVEMENTO DUN PROXECTO DE PROMOCIÓN DEPORTIVA DO
BALONMAN A TRAVÉS DA ORGANIZACIÓN DE ACONTECEMENTOS
DEPORTIVOS.**

No Pazo Provincial, 28 de decembro de 2017

REUNIDOS

Dunha parte, D^a María del Carmen Silva Rego, quen actúa no nome e representación da Deputación Provincial de Pontevedra, en virtude do seu cargo como Presidenta deste organismo e en función das atribucións que lle confiren o artigo 34 da Lei 7/1985, de 2 de abril, reguladora das bases do réxime local, e o artigo 105 da Lei 5/1997, de 22 de xullo, de administración local de Galicia.


Doutra, D. Abel Caballero Álvarez, quen actúa no nome e representación do Concello de Vigo, en virtude da súa condición de Alcalde-Presidente da citada Corporación, segundo o disposto no artigo 124 da Lei 7/1985, do 2 de abril, reguladora das bases de réxime local, no artigo 61.1 da Lei 5/1997, de *administración local de Galicia e no artigo 41.1 do Real decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais.

Doutra, D. Miguel Anxo Fernández Lores, quen actúa no nome e representación do Concello de Pontevedra, en virtude da súa condición de Alcalde-Presidente da citada Corporación, segundo o disposto no artigo 124 da Lei 7/1985, do 2 de abril, reguladora das bases de réxime local, no artigo 61.1 da Lei 5/1997, de administración local de Galicia e no artigo 41.1 do Real decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais

Actúan D. Carlos Cuadrado Romay, en calidade de secretario xeral da Deputación de Pontevedra, e D^a María Concepción Campos Acuña, en calidade de secretaria do Concello de Vigo, e D. José Carlos Castiñeira Piñeiro, en calidade de secretario do Concello de Pontevedra, dando fe do acto que se celebra.


As partes actúan nas representacións expresadas e recoñécense reciprocamente capacidade bastante para o outorgamento e formalización deste convenio, con base nos principios de colaboración, cooperación, coordinación e eficacia que deben presidir as actuacións das Administracións Públicas e, a estes efectos, de común acordo,

EXPOÑEN



I.- A Deputación de Pontevedra, o Concello de Vigo e o Concello de Pontevedra comparten como criterio que os concellos, como administración democraticamente escollida, deben ser os axentes protagonistas nos eidos administrativos aos que ten que corresponder a decisión, o deseño e o impulso da acción local e do desenvolvemento das políticas locais; ao tempo que, as deputacións, deben actuar como institucións que desenvolvan políticas, plans e actuacións que faciliten que concellos e cidadáns poidan acadaren os mesmos dereitos e servizos.

II.- Que, no exercicio das súas respectivas competencias, a Deputación Provincial de Pontevedra e o Concello de Vigo, con data 20 de novembro de 2015, asinaron un protocolo de colaboración en orde a afondar na colaboración administrativa entre ambas institucións e, especialmente, para a cooperación na planificación e execución dos proxectos e actuacións que no propio convenio se sinalan, actuacións e proxectos entre os que se inclúen, no que ao presente convenio importa, os da promoción do deporte.



Así mesmo a Deputación Provincial de Pontevedra e o Concello de Pontevedra, con data 18 de novembro de 2015, asinaron un protocolo de colaboración en orde





a afondar na colaboración administrativa entre ambas institucións e, especialmente, para a cooperación na planificación e execución dos proxectos e actuacións que no propio convenio se sinalan; actuacións e proxectos entre os que se inclúen, no que ao presente convenio importa, os da promoción do deporte.

III.- Que nos devanditos protocolos de colaboración se convén que as distintas actuacións nel previstas se desenvolverán a través de convenios específicos, cuxa execución administrativa, técnica e contractual corresponderá aos Concellos, que deberá observar os procedementos de avaliación e seguimento da execución dos convenios a establecer nestes.

IV.- Que no exercicio das súas atribucións en materia deportiva, son obxectivos dos Concellos de Vigo e Pontevedra:

Promover e, de ser o caso, executar, no ámbito da súa competencia, os programas xerais do deporte, mediante a coordinación coa Administración autonómica, así como coa colaboración con outros entes locais, federacións deportivas galegas ou outras asociacións deportivas.

V.- Que o artigo 25. 2. l) da Lei 7/1985, de 2 de abril, reguladora das bases do réxime local atribúe ás Administracións Municipais competencia en materia de promoción do deporte e instalacións deportivas.

Por outra banda, o art. 36.1) da Lei 7/1985, de 2 de abril, reguladora das bases do réxime local encomenda ás deputacións o aseguramento da prestación integral e adecuada dos servizos de competencia municipal; competencia en relación coa cal a Deputación Provincial de Pontevedra ten previsto na súa planificación a mellora das infraestruturas dos equipamentos deportivos dos concellos da provincia.

VI.- Que os convenios entre as Administracións Públicas constitúen o instrumento axeitado para desenvolveren a súa cooperación en cuestións de interese común, tal como establecen os artigos 47 e seguintes da Lei 40/2015, do 1 de outubro, do



régime xurídico do sector público, o artigo 57 da Lei 7/1985, de 2 de abril, reguladora das bases do réxime local, e os artigos 198 e seguintes da Lei 5/1997, de 22 de xullo, de administración local de Galicia. O convenio que nos ocupa, pola súa contía, deberá ser remitido ao Tribunal de Contas e ao Consello de Contas.

VII.- Que, de acordo coas precedentes consideracións e en desenvolvemento dos protocolos de colaboración arriba referidos, que contemplan como un dos seus obxectivos estratéxicos o apoio ás iniciativas de promoción do deporte, o Concello de Vigo, o Concello de Pontevedra e a Deputación Provincial de Pontevedra, acordan aprobar o presente convenio de colaboración, para o desenvolvemento dun proxecto de promoción deportiva do Balonmán no ámbito da provincia de Pontevedra, que asinan agora os aquí comparecentes, con arranxo aos seguintes

PACTOS

PRIMEIRO.- OBXECTO DO CONVENIO

- 1.- É obxecto deste convenio, establecer as pautas de colaboración entre a Deputación Provincial de Pontevedra, o Concello de Vigo e o Concello de Pontevedra, para o desenvolvemento dun proxecto de promoción deportiva do "Balonmán" a través da colaboración e cofinanciación de eventos deportivos de interese social e deportivo, de acordo cun proxecto presentado pola Federación Galega de Balonmán e a Real Federación Española de Balonmán.
- 2.- O proxecto de promoción deportiva do "Balonmán" vinculado ao obxecto deste convenio se atopan recollidos na memoria técnica presentada pola Federación Galega de Balonmán en colaboración coa Real Federación Española de Balonmán e que se anexa ao presente convenio.
- 3.- En todo caso, os proxectos contemplados no presente expediente están vinculados cos seguintes proxectos:



Ano 2018:

- XLII Torneo Internacional de España XVII Memorial "Domingo Barcenás", coa participación das seleccións de España, Argentina, Polonia e Bielorrusia que se disputará entre o 5 e 7 de xaneiro de 2018 en Vigo e Pontevedra.
- Campionato Estatal de selección territoriais Xuvenís, cadetes e infantís da tempada 2017/2018 a disputar entre o 2 e o 7 de xaneiro de 2018 en Vigo e Pontevedra, coa participación de mais de mil deportistas.

Ano 2019:


- A organización do Campionato do Mundo Junior de Balonmán a celebrar no ano 2019, coa participación de 23 seleccións internacionais de balonmán de categoría junior masculina.

SEGUNDO.- IMPORTE E FINANCIAMENTO

O importe ao que se refire o presente convenio, atende as necesidades dos proxectos contemplados para o ano 2018, o cal ascende á cantidade total de DOUSCENTOS MIL EUROS (200.000,00 euros) que se distribuirán do seguinte xeito:

1.- A Deputación Provincial de Pontevedra comprométese a achegar, para a execución dos proxectos deportivos correspondentes ao ano 2018, a contía de CEN MIL EUROS (100.000,00 euros).

A financiación comprometida pola Deputación Provincial de Pontevedra terá carácter definitiva consonte á táboa que se inxire a continuación:



Investimento	Exercicio 2018
Achega da Deputación de Pontevedra ao Concello de Vigo	50.000,00 €
Achega da Deputación de Pontevedra ao Concello de Pontevedra	50.000,00 €
TOTAL	100.000,00 €

O pagamento da anualidade do 2018 realizarase contra a aplicación 2018/942.9420.462.14 do orzamento provincial- Concellos-Investimentos en Convenios (Vigo e Pontevedra) e quedará condicionada á aprobación do Orzamento para o ano 2018, ou a correspondente modificación de crédito

2.- O Concello de Vigo obrígase a achegar a contía de CINCUENTA MIL EUROS (50.000,00€), desagregados da forma seguinte:

Concepto	Exercicio 2018
Aportación do Concello de Vigo a cofinanciación dos proxectos deportivos de promoción do balonmán para o ano 2018	50.000,00 €

A tal fin e para garantir a estabilidade do financiamento do convenio, o Concello de Vigo comprométese a dotar crédito nas aplicacións correspondentes. O pagamento da anualidades correspondentes ao exercicio 2018 quedará condicionada, en todo caso, á aprobación dos orzamentos xerais de dito exercicio de acordo coa seguinte aplicación orzamentaria:

aplicación orzamentaria	Exercicio 2018
Convenio Campionato do Mundo de Balonmán e actividades complementarias. 3410.480.0005	50.000,00 €

3.- O Concello de Pontevedra obrígase a achegar a contía de CINCUENTA MIL EUROS (50.000,00€), desagregados da forma seguinte:

Concepto	Exercicio 2018
Aportación do Concello de Pontevedra á cofinanciación dos proxectos deportivos de promoción do balonmán para o ano 2018	50.000,00 €

A tal fin e para garantir a estabilidade do financiamento do convenio, o Concello de Pontevedra comprométese a dotar crédito nas aplicacións correspondentes. O pagamento da anualidades correspondentes aos exercicios 2018 quedará condicionada, en todo caso, á aprobación dos orzamentos xerais de ditos exercicios de acordo coa seguinte aplicación orzamentaria:

aplicación orzamentaria	Exercicio 2018
Axudas á promoción actividade física e deporte (05.3410-489.02)	50.000,00 €

En relación o desenvolvemento do proxecto deportivo do Campionato do Mundo Júnior do ano 2019, as tres institucións comprométense a desenvolver no primeiro trimestre do ano 2018 un comité de traballo que estableza os ámbitos de colaboración das tres institución para a cofinanciación conxunta deste acontecemento deportivo, o cal deberá ser aprobado polas partes nunha addenda ao presente convenio.

TERCEIRO.- COMPROMISOS DO CONCELLO DE VIGO E O CONCELLO DE PONTEVEDRA:

Os Concellos de Vigo e de Pontevedra obríganse a:

- Tramitar o correspondente expediente para aboar á Real Federación Española de Balonmán o 50 % do importe establecido na memoria técnica que se adxunta ao presente convenio (150.000,00 €, XLII Torneo Internacional de España XVII Memorial "Domingo Barcenás", e 50.000,00 €, correspondentes ao



Campionato Estatal de selección territoriais Xuvenís, cadetes e infantís da tempada 2017/2018) pola organización dos citados eventos.

- Poñerá a disposición da organización dos citados eventos as instalacións deportivas necesarias para a realización dos adestramentos, e partidos oficiais que se dispoñan de acordo coas normas de competición e de acordo coa planificación oficial. Ditas instalacións deberán estar dotadas dos correspondentes servizos de megafonía, marcar electrónico, vestiarios, equipamento deportivo homologado para as competicións, así como os distintos espazos necesarios para zoas de prensa, invitados e palco debidamente acondicionados. Así mesmo as instalacións deberán responder as normas de seguridade necesarias.
 - Desenvolver cos medios adecuados a promoción necesaria da celebración dos eventos deportivos entre os colectivos deportivos e nos medios de comunicación. Na celebración de todos os actos públicos será cursada a correspondente invitación a Deputación Provincial de Pontevedra para a su participación nos mesmos.
 - Facilitar os medios necesarios para a retransmisión televisiva dos citados eventos.
- Xustificar perante a Deputación as actuacións desenvoltas mediante a presentación das correspondentes facturas, ou documentos análogos acreditativos do gasto efectuado, aprobadas polo órgano competente do Concello. Asemade, para a correcta xustificación o Concello deberá presentar a seguinte documentación:
- Memoria da actividade que se realizou e dos resultados obtidos debidamente asinada.
 - Conta xustificativa que relacione os gastos da actividade subvencionada.
 - Declaración responsable de que os gastos e ingresos que figuran na conta xustificativa se destinaron á actividade obxecto do convenio.
 - Declaración responsable dos ingresos obtidos e de as subvencións ou axudas obtidas non superan o custe da actividade.




- Calquera outra documentación esixible pola normativa vixente para a correcta xustificación deste convenio ou que se considere necesaria para a comprobación da correcta execución do obxecto do convenio.
- Dar a adecuada publicidade a este convenio, de tal xeito que quede constancia que a organización dos eventos obxecto do mesmo levouse a cabo en colaboración coa Deputación de Pontevedra.
- Destinar os fondos percibidos ó obxecto concreto para o que foron concedidos.
- Comunicar á Deputación de forma inmediata, a obtención doutras subvencións ou axudas para a mencionada finalidade procedentes de calquera administración pública ou ente privado nacional ou internacional, con expresión da súa contía.
- Prestar a colaboración e facilitar canta documentación lle sexa requirida no exercicio das funcións de fiscalización e control do destino das axudas que lle corresponden á Intervención Provincial, ó Tribunal de Contas e ao Consello de Contas.

Asemade, os Concello de Vigo e Pontevedra, comprométese ao cumprimento das obrigas contidas na Lei 9/2007, do 13 de xuño, de Subvencións de Galicia e en especial as recollidas no artigo 11 da mesma. Tamén será de aplicación o establecido no Decreto 11/2009, do 8 de xaneiro, na Lei 38/2003 Xeral de Subvencións e no seu regulamento, aprobado polo Real Decreto 887/2006, de 21 de xullo.

CUARTO.- COMPROMISOS DA DEPUTACIÓN

A Deputación de Pontevedra comprométese a financiar os custes derivados da organización dos citados eventos obxecto do convenio, ata a cantidade máxima de CEN MIL EUROS (100.000,00€), de conformidade co disposto na cláusula segunda, que será librada contra a presentación das correspondentes facturas ou documentos análogos acreditativos do gasto efectuado, e na parte proporcional do



financiamento, así como da restante documentación xustificativa necesaria e logo da súa fiscalización pola Intervención provincial.

O pagamento das diferentes prestacións obxecto do convenio realizarase contra a aplicación 18/942.9420.462.14 do correspondente orzamento provincial.

A Deputación Provincial poderá inspeccionar a execución do obxecto do presente convenio e formular as observacións que estime pertinentes, sen prexuízo de que corresponda en exclusiva ao órgano de contratación e aos responsables dos respectivos contratos a emisión das ordes e instrucións que procedan

Non obstante, as actuacións estarán sometidas á comprobación explícita da execución do obxecto deste convenio por parte dos servizos técnicos da Deputación Provincial.

QUINTO.- PUBLICIDADE

En toda a documentación e informacións relativas ás actuacións derivadas do obxecto do presente convenio se incluírá a imaxe corporativa que a este fin facilite a Deputación Provincial de Pontevedra.

As accións de promoción a desenvolver no marco do obxecto do convenio, deberán garantir un alto impacto e visibilidade da colaboración prestada pola Deputación de Pontevedra.

Atendendo o valor complementario de promoción que tena organización deste eventos pola súa dimensión, nas accións de comunicación incluíranse imaxes promocionais do destino Rías Baixas coa estratexia de posicionamento da marca Rías Baixas e da provincia de Pontevedra.





Por outra parte, en cumprimento do establecido na resolución de 10 de decembro de 2015, da Intervención Xeral da Administración, do Estado pola que se regula o proceso de rexistro e publicación de convocatorias de subvencións e axudas no Sistema Nacional de Publicidade de Subvencións, e, en aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, a Base de Datos Nacional de Subvencións operará como sistema nacional de publicidade das subvencións. A tales efectos e para garantir o dereito dos cidadáns a coñecer todas as subvencións convocadas en cada momento e cara a contribuír ós principios de publicidade e transparencia, a Intervención Xeral da Administración do Estado publicará na súa páxina web as subvencións concedidas, segundo o establecido nos artigos 20.4 e 20.8.b da Lei 38/2003, de 17 de novembro, xeral de subvencións.


SEXTO.- COMPATIBILIDADE CON OUTRAS SUBVENCIÓNS

Conforme o disposto no artigo 40.1º, letra d) do Decreto 11/2009, de 8 de xaneiro, polo que se aproba o regulamento da Lei 9/2007, de 13 de xuño, de subvencións de Galicia, a achega económica prevista no presente instrumento será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou e organismos internacionais.

Porén, o importe da subvención en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo das contratacións subvencionadas.

SÉTIMO.- COMISIÓN DE SEGUIMIENTO

Para o seguimento e coordinación da execución deste convenio e resolución das dúbidas que poidan producirse na súa interpretación crearase unha comisión






integrada por dous representantes de cada unha das Administracións asinantes. Poderán asistir a esta comisión dos representantes do comité organizador dos eventos (Real Federación Española de Balonmán e Federación Galega de Balonmán) na súa condición de organizadores.

Corresponderá á Comisión de Seguimento:

- A puntual recepción de información sobre todas as actuacións que se produzan na execución dos contratos a que este convenio se refire.
- A coordinación técnica das entidades asinantes coa Real Federación Española de Balonmán e coa Federación Galega de Balonmán no diversos aspectos técnicos e organizativos para favorecer a promoción, difusión e organización dos eventos obxecto deste convenio.
- A coordinación entre as administracións asinantes na execución e financiamento do convenio, ditando ao efecto as instrucións oportunas
- A resolución das dúbidas que presente a interpretación do convenio e, no seu caso, a emisión de informe se a dúbida ten de ser resolta polos órganos de goberno das administracións asinantes.
- A emisión de informe en relación coa necesidade do reaxuste da anualidade do convenio e en relación con cantas incidencias se produzan na execución dos contratos a que este se refire.
- A formulación das propostas que procedan en relación ás cuestións a que os seus informes se refiran.

A Comisión de Seguimento reunirse cando o estime conveniente o seu responsable, por decisión propia ou a petición de calquera dos seus membros, e en todo caso unha vez ao mes. As súas reunións terán lugar na sede da Deputación Provincial de Pontevedra. Na reunión constituínte da Comisión de Seguimento designarase ao seu responsable e ao seu secretario que levantará acta das súas reunións.



OITAVO.- VIXENCIA

O presente convenio producirá os seus efectos desde a data da súa sinatura ata a total execución dos proxectos a que o mesmo se refire, sen que en ningún caso o seu prazo de vixencia poida superar os catro anos, contados desde a súa sinatura.

NOVENO.- EXTINCIÓN DO CONVENIO

O convenio extinguirase polo cumprimento das actuacións que constitúen o seu obxecto ou por incorrer en causa de resolución.

Serán causas de resolución:

1º.- O transcurso do prazo máximo de vixencia do convenio.

2º.- O acordo unánime dos asinantes.

3º.- O incumprimento das obrigas e compromisos asumidos por parte dalgún dos asinantes.

Neste caso, notificarase á parte incumpridora un requirimento para que, no prazo que se sinale, cumpra coas obrigacións ou compromisos que se consideran incumpridos. Este requirimento será comunicado tamén ao responsable da Comisión de Seguimento.

Se transcorrido o prazo indicado no requirimento persistira o incumprimento, a parte que o dirixiu notificará á outra parte a concorrencia de causa de resolución e entenderase resolto o convenio. A resolución do convenio por esta causa poderá dar lugar a indemnización dos danos e perdas causados.

4º.- Por decisión xudicial declaratoria da nulidade do convenio.

5º.- Por calquera outra causa distinta das anteriores prevista no convenio ou noutras leis.



DÉCIMO.- RÉXIME XURÍDICO.

O presente convenio ten natureza administrativa e rexerese pola Lei 38/2003 do 17 de novembro, xeral de subvencións e o RD 887/2006, de 21 de xuño, polo que se aprobou o seu regulamento, nos seus preceptos básicos; a lexislación básica do Estado en materia de réxime local; a Lei 9/2007, de 13 de xuño, de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen neste convenio; as Bases de Execución dos orzamentos das Administracións asinantes e as restantes normas de dereito administrativo, e no seu defecto, as normas de dereito privado.

En proba de conformidade, as partes subscriben e asinan o presente convenio, por triplicado exemplar, no lugar e data ao principio indicados, quedando un exemplar en poder de cada unha delas.

A Presidenta da Deputación de
Pontevedra



Asdo.: M^a Carmen Silva Rego

O Alcalde-Presidente do Concello de
Vigo



Asdo.: Abel Caballero Alvarez

O Alcalde-Presidente do Concello de Pontevedra



Asdo.: Miguel Anxo Fernández Lores

O Secretario da Deputación de
Pontevedra,

A Secretaria do Concello de Vigo,

Asdo.: Carlos Cuadrado Romay

Asdo.: M^a Concepción Campos Acuña

O Secretario do Concello de Pontevedra,

Asdo.: José Carlos Castiñeira Piñeiro

